

Hmong - Agape Vaajtswv Ntawv - God's Love Letter Scriptures

Yauhaa 15:9 Kuv hlub mej ib yaam le kuv txwv hlub kuv. Mej yuav tsum ua kuas kuv tau chaw hlub mej moog le.

Yaxaya 43:1 Yixayee, Yawmsaub kws tswm mej has tas tsw xob ntshai, kuv tub yuav txhvw mej dim, kuv tub tuav mej npe hu mej lawm, mej yog kuv le.

Yelemi 1:5 thaus kuv tseem tsw tau pub koj xeeb tsua huv koj nam plaab kuv tub xub xaiv koj ca lawm. Thaus koj tseem nyob huv nruab thab kuv tub tsaaj koj ua tug kws cev kuv lug tsua txhua haiv tuabneeg lawm.

Yauhaa 15:16 Tsw yog mej xaiv kuv, kuas yog kuv xaiv mej, hab tsaaj kuas mej moog txw cov txwv kws yuav nyob moog ib txhws. Yog mej tuav kuv lub npe thov leej txwv ib yaam daabtsw tes nwg yuav pub yaam ntawm tsua mej.

3 Yauhaa 1:2 Tug kwvtij kws kuv hlub, kuv thov Vaajtswv paab kuas koj muaj ib puas tsaav yaam txhwj hab noj qaab nyob zoo. Kuv yeej paub has tas, koj lub sab kaaj quas lug tsw txob tsw txhawj ib yaam daabtsw le.

Yaxaya 43:4 Kuv saib mej tswm txaj, hab kuv hlub mej hab pub koob meej tsua mej, kuv txha muab lwm lub tebchaws pauv mej txujsa.

Yelemi 31:3 Cov Yixayee kuv ib txwm yeej hlub mej, mas kuv txha yuav hlub mej moog ib txhws le.

Hauxeya 11:8 Yixayee, kuv yuav ua caag tso taug koj moog, kuv yuav ua caag muab koj tso taug tseg. Kuv yeej ua tsw taug tsua koj puam tsuaj yaam le kuv ua tsua lub moos Ama puam tsuaj lawm, lossws ua tsua koj yaam le kuv ua tsua lub moos Xenpauyee. Kuv lub sab yeej tsw kheev kuv ua le hov tsua koj hlo le, tsua qhov kuv hlub koj heev kawg nkaus.

Yauhaa 3:16 Yog Vaajtswv hlub hlub tuabneeg nplajteb Vaajtswv txha le khaiv nwg tuab leeg tub lug tsua huv nplajteb. Sub txhua tug kws ntseeg hab tso sab tsua nwg leej tub txha tsw tuag, kuas yuav tau txujsa ntev moog ib txhws tsw kawg.

Yaxaya 49:15,16 Mas Yawmsaub txha teb tas tej tug quaspuy yuav nov qaab nwg tug mivnyuas mog kws noj mig hab tsw hlub tug mivnyuas kws nwg yug hov tau hab los. Txawm yog nwg txawj nov qaab nwg tug mivnyuas los kuv yuav tsw nov qaab mej ib zag le. **16** Yeluxalee, kuv tsw txawj nov qaab koj, kuv tub muab koj lub npe sau tsua huv kuv ob txhais xwb teg.

Yaxaya 41:13 Kuv yog Yawmsaub kws yog mej tug Vaajtswv. Kuv txhawb mej tug zug hab has tsua mej tas tsw xob ntshai le, kuv yuav paab mej.

Mathai 28:20 Hab qha kuas puab paub coj lawv le ib puas tsaav yaam kws kuv tau qha tsua mej lawm. Mej yuav tsum ncu ntsoov has tas, kuv yuav

naj nub nrug mej nyob moog txug nub kws lub nplajteb nuav kawg.

Yauhaa 14:1 Yexu has tsua cov thwjtim has tas, mej tsw xob txhawj. Mej yuav tsum tso sab tsua Vaajtswv hab tso sab tsua kuv.

Yaxaya 41:14 Yawmsaub has tas txawm yog mej cov Yixayee tsawg tsawg hab tsw muaj zug los tsw xob ntshai, kuv yuav paab mej. Kuv kws yog cov Yixayee tug Vaajtswv kws zoo kawg nkaus yog tug kws txhwv mej dim.

Yaxaya 43:2 Thaus kws mej hlaa tej dej tub tub los kuv yuav nrug nraim mej. Tej kev txom nyem kws mej raug yuav tsw ua kuas mej thev tsw taug. Thaus kws mej hlaa suav tawg los mej yuav tsw kub nyab, tej kev swm sab yuav txuv tsw tau mej.

Ntawv Nkauj 23:1-6 Yawmsaub yog tug kws tsom kwm kuv hab yug kuv ib yaam le yug yaaj, mas kuv tsw tu pluag hab muaj txhua yaam kws cheem tsum yuav. 2 Yawmsaub pub kuv su huv lub tshaav zaub mog mog ntsuab ntsuab. Yawmsaub koj kuv moog tsua ntawm ntu dej kws tug tug ntshab ntshab. 3 Yawmsaub txhawb kuv tug zug hab koj kuv taug txujkev kws ncaaj lawv le nwg tub yeem lug ca. 4 Txawm yog kuv taug txujkev kws tsaus quas nti los kuv tub tsw ntaus sab yau le, vem yog Yawmsaub nrug nraim kuv. Yawmsaub koj tug paas nreg hab tug qws tsom kwm kuv. 5 Yawmsaub koj tub paam mov paam zaub tsua kuv noj taab meeg kuv cov yeeb ncuab. Koj tog txais kuv yaam nkaus le txais tug qhua kws koj saib hlub. Koj laub puv nkaus kuv lub khob phwj yog. 6 (fc>) Kuv paub tas koj hlub kuv hab ua zoo tsua kuv moog taag kuv swm neej le. Yawmsaub kuv yuav nyob huv koj lub tsev moog ib txhws le.

Yauhaa 14:27 Kuv pub kuv lub sab tug tug tsua mej mas mej txha muaj sab tug. Lub sab tug kws kuv pub tsw thooj le tej kws nyob huv nplajteb nuav pub. Mej tsw xob txhawj, tsw xob ntshai.

Filipi 4:7 Thaus kws mej nyob huv Yexu Kheto mas nwg txujke sab tug kws tuabneeg tsw txawj nkaag sab yuav kaav mej lub sab hab tsom kwm mej.

Paaj Lug 3:24 Sleep is sweet, not afraid.

Ntawv Nkauj 4:8 sleep in peace, Lord keeps me safe.

Ntawv Nkauj 33:18 Yawmsaub saib ntsoov cov tuabneeg kws noog nwg lug hab paub ntshai nwg, yog cov kws ca sab has tas Yawmsaub yuav hlub puab txhua nub txhua mo tsw tu le.

Loo 5:2 Tub yog Vaajtswv hlub peb hab peb ntseeg, Vaajtswv txha koj peb lug nrug Vaajtswv sws raug zoo. Yog le ntawm peb txha zoo sab hlo hab ca sab quas ntsoov has tas, Vaavtswv yeej yuav pub koob meej hab fwjchim tsua peb.

Yaxaya 55:12 Mej yuav tawm huv Papiloo moog ua sab xyiv faab quas hlo, yuav muaj tuabneeg koj mej tawm moog ua sab tug quas yeeg. Tej roob hab tej pov roob yuav tsaas hu nkauj, hab tej ntoo huvsw yuav qw zoo sab.

Yauhaa 16:22 nwgnuav mej ntshuv sab ib yaam nkaus le tug quaspuj hov,

kuas thaus kuv rov lug cuag mej, mej yuav zoo sab kawg nkaus le Tsw muaj leejtwg yuav txeeb tau mej txujkev zoo sab hov moog le.

Luka 12:9 Kuas yog leejtwg taab meeg has tsua suavdawg has tas, nwg tsw ntseeg kuv, tes Tuabneeg Leej Tub yuav tsw leeg yuav tug hov tsua ntawm Vaajtswv cov tubkhai xub ndag.

Mathai 10:30 Ob tug txawm rov pum kev le qub lawm. Yexu txwv ob tug tawv tawv tas, meb tsw xob qha zaaj nuav tsua leej twg hlo le.

Yaxaya 54:10 Tej zag cov roob hab cov pov roob yuav tawg mog quas nyoos, kuas qhov kws kuv hlub koj mas kuv yuav hlub moog ib txhws tsw kawg. Kuv cog lug tseg has tas yuav muaj kev thaaj yeeb mas kuv yuav ua lawv le cov lug hov moog ib txhws le. Tej lug nuav yog Yawmsaub kws hlub koj has.

Mathai 11:28-30 Mej cov kws rws nraa nyaav es saab saab, mej ca le lug cuag kuv, kuv yuav ca mej tau su lug sav. 29 Kuv yog tug kws sab dawb sab zoo, mej ca le lug kwv kuv tug ntaas kws yaam le nyuj hai tsheb, hab kawm tej kws kuv qha, mej txha le tau su. 30 Tug ntaas kws kuv muab tsua mej kwv yoojyim kwv, hab lub nraa kws kuv muab tsua mej rws kuj tsw nyaav.

Xalaumoo 2:10 Txwv leej tub tsa ncauj has seev yeeg tsua kuv.

Hauxeya 2:14,19,20 Mas kuv yuav coj nwg rov qaab moog nraag taj ntuj nraag teb cis dos. Kuv yuav ua lug mog lug muas has kuas nwg rov lug npuab kuv. 19 Cov Yixayee, kuv yuav yuav koj ua kuv le quaspuj. Kuv yuav ua sab dawb quas paug muab sab npuab koj. Kuv yuav hlub koj hab ua zoo tsua koj. Kuv yuav yuav koj ua kuv tug moog ib txhws. 20 Kuv yuav ncu quas ntsoov ua lawv le kuv tej lug cog tseg hab yuav yuav koj ua kuv tug. Koj yuav leeg yuav kuv ua koj tug Yawmsaub.

Tswv Dim 3:14 Vaajtswv has tsua Mause tas, kuv yeej yog kuv xwb. Koj yuav tsum qha tsua cov Yixayee tas, tug kws muaj txujsa nyob khaij koj moog paab puab.

Hauxeya 13:4 Yawmsaub has tas kuv yog mej tug Vaajtswv Yawmsaub kws coj mej tawm nraag lyi teb lug, tsuas yog kuv tuab leeg txha le yog mej tug Vaajtswv, kuv tuab leeg yog tug kws cawm tau mej dim.

Yauhaa 15:14 Yog mej ua lawv le kuv has, mej txha yog kuv cov kwvluag.

Qha Tshwm 3:20 Mej swm noog saib kuv sawv saab qhov rooj nrau hu. Yog leejtwg nov kuv lub suab hab qheb qhov rooj, kuv yuav lug huv tug ntawm tsev. Kuv yuav nrug nwg noj mov, hab nwg yuav nrug kuv noj mov.